

書名 唐詩品彙九十卷拾遺十卷 嘉靖十六年序刊本  
 撰者 明 高棟 輯  
 卷 卷三十八  
 內容分類 集-總集-各代-唐  
 索書號 集部-總集-35  
 編號 D7841100

# 卷三十八

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本文影像資料庫 索書號: 集部-總集-35](#)

[漢籍善本文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首


日雙闕昏迴輿九重暮長煙散初暈皎月澄輕素  
 恍恍琴書閣軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪  
 蕭來儀玄鶴紛成列去茲鄭衛聲雅音方可悅

三

新寧高棟編



唐詩品彙卷之三十八

新寧高棟編

正始

玄高皇帝

潼關口

河曲回千里關門限二京所嗟非恃德設險到天平

賀知章

題袁氏別業

主人不相識偶坐為林泉莫謾愁沽酒囊中自有錢

楊重玄

正朝上左丞相張燕公

唐詩品彙卷之三十八



歲去愁中在春還命不來長吁問丞相東閣幾時開  
許敬宗

江令於長安歸揚州九日賦

心逐南雲逝身隨北鴈來故鄉籬下菊今日幾花開

虞世南

蟬

垂綏飲清露流響出疎桐居髙聲自遠非是藉秋風

王績

過酒家二首

洛陽無大宅長安乏主人黃金銷未盡祇為酒家貧

又

此日長昏飲非關養性靈眼看人盡醉何忍獨為醒

李義府

詠鳥

唐書云義府初召見太宗令詠鳥詩咸帝覽笑曰我當全林借汝

日裏颺朝彩琴中伴夜啼上林多少樹不借一枝栖

賦美人

鏤月成歌扇裁雲作舞衣自憐回雪影好取洛川歸

楊師道

中書寓直詠雨

按文苑英華有全篇此特其首四句誤入絕句

雲暗蒼龍闕沉沉殊未開窻臨鳳凰沼颯颯雨聲來

僧皎然云靜也

王勃



江亭月夜送別二首

江送巴南水山橫塞北雲津亭秋夜月誰見泣離群

又

亂煙籠碧砌飛月向南端寂寂離亭掩江山此夜寒

臨江二首

泛泛東流水飛飛北上塵歸驂將別棹俱是倦遊人

又

去驂嘶別路歸棹隱寒洲江臯木葉下應想故城秋

山中

長江悲已滯萬里念將歸况屬高風晚山山黃葉飛

贈李十四

亂竹開三徑飛花滿四隣從來揚子宅別有尚玄人

始平曉息

觀關長安近江山蜀路賒客行朝復夕無處是鄉家

普安建陰題壁

江漢深無極梁岷不可攀山川雲霧裏遊子幾時還

他鄉叙興

綴葉歸烟晚乘花落照春邊城琴酒處俱是越鄉人

寒夜思友二首

雲間征思斷月下歸愁切鴻鴈西南飛如何故人別

又

朝朝翠山下夜夜蒼江曲復此遙相思清尊湛芳綠



楊炯

夜送趙縱

趙氏連城壁由來天下傳送君還舊府明月滿前川

盧照隣 三首

登玉清

絕頂橫臨日孤峰半倚天徘徊拜真老萬里見風烟

曲池荷

浮香繞曲岸圓影覆華池常恐秋風早飄零君不知

浴浪鳥

獨舞依盤石群飛動輕浪奮迅碧沙前長懷白雲上

駱賓王 四首

在軍登城樓

城上風威冷江中水氣寒戎衣何日定歌舞入長安

易水送別

此地別燕丹壯髮上衝冠昔時人已沒今日水猶寒

送別

寒更承夜永涼夕向秋澄離心何以贈自有玉壺冰

玩初月

忌滿光恒缺乘昏影斲流自能明似鏡何用曲如鉤

陳子昂 三首

古意 題著作  
令璧

白雲蒼梧來氛氳萬里色聞君太平代栖泊靈臺側

贈喬侍御

漢庭榮巧宦雲閣薄邊功可憐驄馬使白首為誰雄

沈佺期

獄中燕

拾盡和叢棘啣泥怯死灰不如黃雀語能雪冶長猜

宋之問

早發韶州

綠樹秦京道青雲洛水橋故園長在目魂去不須招

僧皎然  
云思也

別杜審言

臥病人事絕嗟君萬里行河橋不相送江樹遠含情

渡漢江

嶺外音書斷經冬復歷春近鄉情更怯不敢問來人

東方虬

昭君怨二首

漢道方全盛朝廷足武臣何須薄命妾辛勞事和親

又

拚淚辭丹鳳嗚悲向白龍單于浪驚喜無復舊時容

王適

江濱梅

忽見寒梅樹開花漢水濱不知春色早疑是弄珠人

常承慶



南行別第二首

澹澹長江水。悠悠遠客情。落花相與恨。到地一無聲。

又英華作南中詠鴈詩

萬里人南去。三春鴈北飛。不知何歲月。得與爾同歸。

江樓

獨酌芳春酒。登樓已半曛。誰驚一行鴈。衝斷過江雲。

李嶠二首

中秋月二首

盈缺青冥外。東風萬古吹。何人種丹桂。不長出輪枝。

又

圓魄上寒空。皆言四海同。安知千里外。不有雨兼風。

郭振

子夜春歌二首

陌頭楊柳枝。已被春風吹。妾心正斷絕。君懷那得知。

又

青樓含日光。綠池起風色。贈子同心花。殷勤此何極。

薛稷

秋朝覽鏡

客心驚落木。夜坐聽秋風。朝日看容鬢。生涯在鏡中。

鄭悖

張諠詠黃鸝兒

欲轉聲。猶在。將飛。月未周。可。不借便。何處得遷喬。



上見疑是月中攀

去國三巴遠登樓萬里春傷心江上客不是故鄉人

途中口號

英華作郭向詩

抱玉三朝楚懷書十上秦年年洛陽陌花鳥弄歸人

武平一

奉和元日賜群臣栢葉

綠葉迎春綠寒枝歷歲寒願持栢葉壽長奉萬年歡

崔湜

喜入長安

雲日能催曉風光不借年賴逢征路盡歸在落花前

蘇頲 六首

山鷓鴣詞二首

玉關征戍久空閨人獨愁寒露濕青苔別來蓬髮秋

又

人坐青樓晚鶯語百花時愁多人自老腸斷君不知

汾上驚秋

北風吹白雲萬里渡河汾心緒逢搖落秋聲不可聞

張說 三首

蜀道後期



客心爭日月來往預期程秋風不相待先至洛陽城  
廣州江中作

去國年方晏愁心獨不堪離人共江水終日向西南  
守歲

故歲今宵盡新年明旦來愁心隨斗柄東北望春回

張九齡 四首

自君之出矣

自君之出矣不復理殘機思君如滿月夜夜減清輝

照鏡見白髮

宿昔青雲志蹉跎白髮年誰知明鏡裏形影自相怜

奉和聖製經函關作

函谷雖云險黃河復已清聖心無所隔空此置關城

荅靳博士

上苑春先入中園花盡開唯餘幽徑草尚待日光催

孫逖

同洛陽李少府觀永樂公主入蕃

邊地鶯花少年來未覺新美人天上落龍塞始應春